



淨空老法師 編述

彌陀要解研習報告

修持法門。其數甚多。最為穩當。莫如念佛。
念佛之妙。貴在信願。信願真切。萬修萬去。
念為正行。輔以信願。三法備足。決定往生。
竭誠盡敬。如子憶母。感應道交。頓超生死。

釋逸人識

南無蓮池海會佛菩薩（三稱）

佛說阿彌陀經

姚秦三藏法師鳩摩羅什譯

如是我聞。一時佛在舍衛國祇樹給孤獨園。與大比丘僧千二百五十人俱。皆是大阿羅漢。眾所知識。長老舍利弗。摩訶目犍連。摩訶迦葉。摩訶迦旃延。摩訶俱絺羅。離婆多。周利槃陀伽。難陀。阿難陀。羅睺羅。憍梵波提。賓頭盧頗羅墮。迦留陀夷。摩訶劫賓那。薄拘羅。阿菟樓駄。如是等

諸大弟子。并諸菩薩摩訶薩。文殊師利法王子。
阿逸多菩薩。乾陀訶提菩薩。常精進菩薩。與如
是等諸大菩薩。及釋提桓因等。無量諸天大眾
俱。爾時佛告長老舍利弗。從是西方。過十萬億
佛土。有世界名曰極樂。其土有佛。號阿彌陀。今
現在說法。舍利弗。彼土何故名為極樂。其國眾
生。無有眾苦。但受諸樂。故名極樂。又舍利弗。極
樂國土。七重欄楯。七重羅網。七重行樹。皆是四

寶周帀^{PY}圍繞。是故彼國。名為極樂。又舍利弗。極樂國土。有七寶池。八功德水。充滿其中。池底純以金沙布地。四邊階道。金。銀。瑠璃。玻瓈合成。上有樓閣。亦以金。銀。瑠璃。玻瓈。碑磬。赤珠。瑪瑙。而嚴飾之。池中蓮華。大如車輪。青色。青光。黃色。黃光。赤色。赤光。白色。白光。微妙香潔。舍利弗。極樂國土。成就如是功德莊嚴。又舍利弗。彼佛國土。常作天樂。黃金為地。晝夜六時。雨天曼陀羅華。

其土眾生。常以清旦。各以衣祴。盛眾妙華。供養
他方十萬億佛。即以食時。還到本國。飯食經行。
舍利弗。極樂國土。成就如是功德莊嚴。復次舍
利弗。彼國常有種種奇妙雜色之鳥。白鶴。孔雀。
鸚鵡。舍利。迦陵頻伽。共命之鳥。是諸眾鳥。晝夜
六時。出和雅音。其音演暢五根。五力。七菩提分。
八聖道分。如是等法。其土眾生。聞是音已。皆悉
念佛念法念僧。舍利弗。汝勿謂此鳥。實是罪報

所生。所以者何。彼佛國土。無三惡道。舍利弗。其佛國土。尚無惡道之名。何況有實。是諸眾鳥。皆是阿彌陀佛。欲令法音宣流。變化所作。舍利弗。彼佛國土。微風吹動。諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛念法念僧之心。舍利弗。其佛國土。成就如是功德莊嚴。舍利弗。於汝意云何。彼佛何故號阿彌陀。舍利弗。彼佛光明無量。照十方國。

無所障礙。是故號為阿彌陀。又舍利弗。彼佛壽命。及其人民。無量無邊阿僧祇劫。故名阿彌陀。舍利弗。阿彌陀佛。成佛以來。於今十劫。又舍利弗。彼佛有無量無邊聲聞弟子。皆阿羅漢。非是算數之所能知。諸菩薩眾。亦復如是。舍利弗。彼佛國土。成就如是功德莊嚴。又舍利弗。極樂國土。眾生生者。皆是阿鞞跋致。其中多有一生補處。其數甚多。非是算數所能知之。但可以無量。

無邊阿僧祇說。舍利弗。眾生聞者。應當發願。願生彼國。所以者何。得與如是諸上善人。俱會一處。舍利弗。不可以少善根福德因緣。得生彼國。舍利弗。若有善男子。善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。其人臨命終時。阿彌陀佛。與諸聖眾。現在其前。是人終時。心不顛倒。即得往生阿彌陀佛極樂國土。舍利弗。我見是

利。故說此言。若有眾生。聞是說者。應當發願。生彼國土。舍利弗。如我今者。讚歎阿彌陀佛。不可思議功德之利。東方亦有阿閼鞞佛。須彌相佛。大須彌佛。須彌光佛。妙音佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。南方世界有日月燈佛。名聞光佛。大燄肩佛。須彌燈佛。無量

精進佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。西方世界。有無量壽佛。無量相佛。無量幢佛。大光佛。大明佛。寶相佛。淨光佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。

北方世界。有燄肩佛。最勝音佛。難沮佛。日生佛。
網明佛。如是等恆河沙數諸佛。各於其國。出廣
長舌相。徧覆三千大千世界。說誠實言。汝等眾
生。當信是稱讚不可思議功德。一切諸佛所護
念經。舍利弗。下方世界。有師子佛。名聞佛。名光
佛。達摩佛。法幢佛。持法佛。如是等恆河沙數諸
佛。各於其國。出廣長舌相。徧覆三千大千世界。
說誠實言。汝等眾生。當信是稱讚不可思議功

德。一切諸佛所護念經。舍利弗。上方世界。有梵音佛。宿王佛。香上佛。香光佛。大燄肩佛。雜色寶華嚴身佛。娑羅樹王佛。寶華德佛。見一切義佛。如須彌山佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。於汝意云何。何故名為一切諸佛所護念經。舍利弗。若有善男子善女人。聞

是經受持者。及聞諸佛名者。是諸善男子善女人。皆為一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸佛所說。舍利弗。若有人已發願。今發願。當發願。欲生阿彌陀佛國者。是諸人等。皆得不退轉於阿耨多羅三藐三菩提。於彼國土。若已生。若今生。若當生。是故舍利弗。諸善男子。善女人。若有信者。應當發願。生彼國土。舍利弗。

如我今者。稱讚諸佛不可思議功德。彼諸佛等。亦稱讚我不可思議功德。而作是言。釋迦牟尼佛。能為甚難希有之事。能於娑婆國土。五濁惡世。劫濁。見濁。煩惱濁。眾生濁。命濁中。得阿耨多羅三藐三菩提。為諸眾生。說是一切世間難信之法。舍利弗。當知我於五濁惡世。行此難事。得阿耨多羅三藐三菩提。為一切世間說此難信之法。是為甚難。佛說此經已。舍利弗。及諸比丘。

一切世間天人阿修羅等。聞佛所說。歡喜信受。
作禮而去。

佛說阿彌陀經

拔一切業障根本得生淨土陀羅尼

南無阿彌多婆夜。哆他伽哆夜。哆地夜他。阿彌
唎都婆毘。阿彌唎哆。悉耽婆毘。阿彌唎哆。毘迦
蘭帝。阿彌唎哆。毘迦蘭哆。伽彌膩。伽伽那。枳多
迦隸。娑婆訶。（三遍）

讚佛偈

阿彌陀佛身金色

相好光明無等倫

白毫宛轉五須彌

紺目澄清四大海

光中化佛無數億

化菩薩眾亦無邊

四十八願度眾生

九品咸令登彼岸

南無西方極樂世界

大慈大悲

阿彌陀佛

南無阿彌陀佛

或五百聲。或一千聲。愈多愈妙。必須至誠懇切。字字句句。要從心裏念出。

南無觀世音菩薩（十聲）

南無大勢至菩薩（十聲）

南無清淨大海眾菩薩（十聲）

發願文

我今稱念阿彌陀 真實功德佛名號

惟願慈悲哀攝受 證知懺悔及所願

我昔所造諸惡業 皆由無始貪瞋癡

從身語意之所生 一切我今皆懺悔

願我臨欲命終時 盡除一切諸障礙

面見彼佛阿彌陀 即得往生安樂剎

彼佛眾會咸清淨 我時於勝蓮華生

親覩如來無量光 現前授我菩提記

蒙彼如來授記已 化身無數百俱胝

智力廣大徧十方 普利一切眾生界

三歸依

自歸依佛。當願眾生。體解大道。發無上心。一拜

自歸依法。當願眾生。深入經藏。智慧如海。一拜

自歸依僧。當願眾生。統理大眾。一切無礙。一拜

如是行持。每日或二時。或四時。或六時。務祈竭誠盡敬。隨分隨力。做去。是人定得往生。

附十念法門

此十念法。人人堪修。非專為事繁人設。須早晚誠心做去。決定往生。

每日朝暮二時。盥漱畢。無佛則向西問訊。或禮拜。有佛則禮佛三拜。正身長跪。合掌恭敬。屏息諸緣。攝心一處。連聲稱南無阿彌陀佛。盡一口

氣為一念。如是十氣。名為十念。但隨氣長短。不限佛數。氣極為度。其聲不高不低。不緩不急。調停得中。連屬不斷。出x意在借氣束心。令心不散。心既純一。功莫大焉。此十念法。彌陀因中有願云。若有眾生。聞我名號。至心信樂。乃至十念。若不生者。不取正覺。以故行者終身受持。無有間斷。是人終時。佛以本願力故。決定親垂接引。往生西方。一生西方。則登不退地。永離生死輪迴之

苦矣。珍重珍重。念畢回向云。

願我臨終無障礙 阿彌陀佛遠相迎

觀音甘露洒我頭 勢至金臺安我足

一剎那中離五濁 屈伸臂頃到蓮池

蓮華開後見慈尊 親聽法音可了了

聞已即悟無生忍 不違安養入娑婆

善知方便度眾生 巧把塵勞為佛事

我願如斯佛自知 畢竟當來得成就

佛說阿彌陀經要解研習報告

第一講

一、認識佛法

(一) 佛法定義

佛——智、覺

(能覺)

法——人生宇宙一切物相理事之總名

(能所不二)

(所覺)

(二) 佛法所求

阿耨多羅

三

藐

三

菩提

究竟圓滿之智慧，

(無)

(上)

(正)


(等)

(正)

(覺)

覺了宇宙人生實相。

(三)佛法所修——菩薩道（心）、菩薩行（造作）



(四)佛法德用——德（大覺）→用


大悲——利樂有情
大慈——教化眾生

破迷啟悟
離苦得樂

(五)當知佛法，方便多門、不拘形式、經權互用、利物濟生。一切妄情迷執，非達佛旨者也。

二、認識此經

(一)經名——『稱讚不可思議功德一切諸佛所護念經』



2. 一切諸佛所

└─ 護—化他（弘護如來慧命）
念—自行（圓證無上菩提）└─ 不二

3. 羅什大師譯作——『佛說阿彌陀經』，深契本經宗旨。

(1) 佛——即本師釋迦牟尼佛，廣則指一切諸佛。

(2) 說——暢悅所懷也；眾生成佛機熟，為說此法，令一切眾生一生究竟成就故。

(3) 阿彌陀——此云無量，彼土導師德號，表此法實無量覺也。

(4) 經——契經，又具「貫攝常法」諸多妙義，如華嚴疏說。


(二) 內容

1. 性質——圓融三諦，法性實相（論據所依）。

(1) 大乘經皆以實相為體（如來現量所出），實相者，平等一相也。

(2) 大方廣佛華嚴經——以一真法界為體
 妙法蓮華經——以實相為體
 大佛頂首楞嚴經——以如來藏為體
 名異義同

(3) 覓之了不可得，不可言其無——不執空——空有不二，
 具造百界千如，不可言其有——不執有——性相一如。



佛在心中

上帝在心中

故曰

天堂在心中

地獄在心中

我人諸法亦在心中

應觀法界性
一切唯心造

(5) 蕩益大師云：是故舉體作依作正，作法作報，作自作他，乃至能說所說，能度所度，能信所信，能願所願，能持所持，能生所生，能讚所讚，無非實相正印之所印也。

(6) 無生論云：法界圓融體，作我一念心，我今念佛心，全體即法界。達此者，由持名念佛，而悟入實相也。

2. 宗旨——以信願行三要為修法

(1) 信——信自、信他、信因、信果、信事、信理。

(2) 願——厭離娑婆，欣求極樂。

(3) 行——執持名號，一心不亂。

(4)蓮池大師云：著事而念能相繼，不虛入品之功。

執理而心實未明，反受落空之禍！

3.德用——此經以往生為功，以不退為德。

(1)極樂有四土，各論九品，故說帶業亦得，消業亦得。

帶業說——旨在令人發心求生，人人有分。

消業說——旨在令人精進修學，增上品位。

(2)帶業生同居淨土，證位不退，皆與補處俱，亦皆一生必補佛處。

(3)上善一處，是生同居，即已橫生上三土，一生補處，是位不退，即已圓證三不退，如斯力用，乃千經萬論所未曾有。

4.教相——大乘圓頓三根普被

(1)大乘菩薩藏攝，無問自說，徹底大慈之所加持，能令末法多障有情，依斯徑登不退。

(2) 方便門中，求其至直捷至圓頓者，莫若念佛求生淨土；念佛法門，求其至簡易至穩當者，莫若信願專持名號。

(3) 華嚴奧藏，法華秘髓，一切諸佛心要，菩薩萬行司南，皆不出於此矣，欲廣歎述，窮劫莫盡，智者自當知之。

佛說阿彌陀經要解研習報告

第二講

◎經序的啟示

經文：『如是我聞……今現在說法。』

一、釋名義

1. 如是，標信順。我聞，標師承。一時，標機感。佛，標教主。舍衛國祇樹給孤獨園，標處所。舍利弗……等，標聽眾。

2. 實相妙理，古今不變，名如。依實相理，念佛求生淨土，決定無非，曰是。又萬法俱寂，一心不亂，為如。是心是佛，是心作佛，為是。

3. 際遇良時，師資道合，曰一時。

4. 自覺，覺他，覺行圓滿，人天大師，名佛。

5. 舍衛，此云聞物。祇陀、須達多，施供佛僧，建立道場，普利眾生。

二、大眾同聞——為後學示範，善自取師。

1. 聲聞居首，出世相故，常隨從故，佛法賴僧傳故。

2. 菩薩居中，相不定故，不常隨故，表中道義故。


3. 天人列後，世間相故，凡聖品雜故，外護職故。

僧伽——理——同證一心不亂，無上菩提。

(和合眾)

事——見和同解 戒和同修 身和同住
口和無諍 意和同悅 利和同均
同羯磨

4. 十六尊者名德大意（皆群倫首領，社會賢達）



此等大眾，本是法身大士，示作聲聞，證此不思議法。從佛轉輪廣利人天，今聞淨土攝受功德，信受奉行，實乃以身作則。勸吾人深信莫疑也。

5. 四大菩薩示勸願行

(1) 文殊——表無上正等正覺

(2) 彌勒——表一生補處（中國造像表平等喜悅——極樂之意）

勸願

(3) 乾陀訶提——此云不休息

如善財之參學，一生

(4) 常精進——永不退也

修證寂光淨土——勸行

6. 凡眾勸修（弘護）

(1) 釋提桓因

表一切宗教之士應修

(2) 無量諸天


弘護此經
暢佛本懷

(3) 大眾——表一切眾生欲離苦得究竟樂者應當修

7. 不問自說——慈憫深切，急度眾故，義理玄秘難信，無人啟請。

8. 別序三綱

依報莊嚴——有世界名曰極樂
 正報莊嚴——其土有佛號阿彌陀
 說法（事業）莊嚴——今現在說法
 有、今現在——勸信
 世界、極樂——勸願
 阿彌陀佛——勸持名妙行



佛說阿彌陀經要解研習報告

第三講

◎廣陳彼土依正妙果以啟信

經文：『舍利弗。彼土何故名為極樂……諸菩薩眾。亦復如是。舍利弗。彼佛國土。成就如是功德莊嚴。』

一、信願持名，一經要旨，信願為慧行，持名為福行。

得生與否，全由信願之有無；品位高下，全由持名之深淺。

信願為前導，持名為正修。


持名時，心如佛，願如佛，解如佛，行如佛，則一念相應一念佛，念念相應念念佛。

故經云：憶佛念佛，現前當來，必定見佛。

二、依報妙

經云：『其國眾生。無有眾苦。但受諸樂。故名極樂。』

1. 總說



2. 地利之樂——（居住）

經文：『又舍利弗。極樂國土。七重欄楯……成就如是功德莊嚴。』

3. 眾寶欄樹——（地利之樂）

(1) 七重表七科道品，又表圓滿之意。四寶表常樂我淨四德。自德深，他賢徧，是極樂之真實因緣。

(2) 此等莊嚴，同居是增上善業（念佛）所感，亦圓五品觀（①隨喜②讀誦③解說④兼行六度⑤正行六度）所感。

(3) 人民表因緣生法，聲聞表即空，菩薩表即假，佛表即中，圓融無礙也。

4. 寶池德水——（無老病苦）

(1) 上明住處，此節明生處。

(2) 此土同居是有漏惑業所感，彼土乃無漏淨業所成，又為阿彌陀願行之所莊嚴。

5. 四色蓮花——（無胎生苦，無愛別離苦）

(1) 蓮花大小光色不同，經云：眾生發心信願持名，池中即生一蓮蕊，標名於上，若精進念佛，花則日大，光色日鮮，如中途退心或改習他法門，則花漸枯。

(2) 信心堅固，一生不改，則臨命終時，佛持此花，接引往生，即生此蓮中，名為託質蓮胎，清淨受生，花開見佛。

(3) 光色實無量，略言四色耳。

(4) 極樂國土，成就如是功德莊嚴。彌陀因地，以四十八願，攝取二百一十億佛剎，清淨之行，稱性功德之所成就也。

讀經史攝取古人之經驗，參學攝取今人之成果，是讀萬卷書，行萬里路，師法彌陀行也。

6. 天樂雨花——（天時之樂）



(2) 『供養他方十萬億佛』。此句特為此土眾生而說，意顯往生之後，有能力隨時返來，供養本師、彌勒，普度怨親，皆不難耳。

(3) 食時，即清旦，故曰即以，明其神足不可思議，不離彼土，常徧十方，不假逾時回還也。

(4) 此文顯極樂，一聲，一塵，一剎那，乃至跨步彈指，悉與十方三寶，貫徹無礙。

(5) 又顯在娑婆，則濁重惡障，與極樂不隔而隔；在極樂，則功德甚深，與娑婆隔而不隔，斯意極深矣！

7. 說法莊嚴

(1) 眾鳥化迹

六時演法——聞正法樂
悉念三寶——得正念樂
明無三途——無墮落苦


(2) 極樂普攝法界眾生。根塵一一圓妙，知此文亦特為此土而說。

(3) 大智度論云：三十七品，無所不攝，即無量道品，亦在其中。

① 四念處（以智觀境——看得破）



② 四正勤




③ 四如意足（放得下、回首如意、回頭是岸）定、福




④五根

⑤五力




正道
助道



⑥七菩提分（又名七覺分）於一切法善能覺了，工夫也。

慧力所發
無漏正智



此等工夫，均在日常生活中修鍊也。

⑦八聖道分（又名八正道）修學成就，正智現前，覺不迷也。

見——修無漏行觀，見四諦分明。

思——般若無知，無所不知，是思。

語——除四邪命，攝諸口業名正語。

業——除身一切邪業，住清淨正身業。

命——除三業中五種邪命，住清淨正命。

進——勤行精進，修涅槃道。

念——念正道及助道法。


定——以無漏慧，相應入定。

八聖道由擇法覺分，不依偏邪，故入正道。無漏聖法曰正，能通涅槃曰道。

(4)三十七品，收法雖盡，而機緣不等，作種種開合，名義不同，無不演暢。故令聞者，念三寶，發菩提心，伏滅煩惱也。

三寶略釋

(別相)



(6) 行樹演法——風樹作樂，微妙法音，聞正法樂，自念三寶，得正念樂也。

(7) 此中顯化禽微風樹網等音，乃一切依正假實，當體即是阿彌陀佛三身四德，毫無差別也。

(8) 情與無情，同宣妙法，四教道品，無量法門，同時演說，隨類各解，能令聞者，念三寶也。

(9) 結示：令深信一切莊嚴，皆導師願行所成，種智所現。皆吾人淨業所感，唯識所變。佛心生心，互為影質；如眾燈明，各徧似一，全理成事，全事即理，全性起修，全修在性，亦可深長思矣。

(10) 奈何，離此淨土，別談唯心淨土，甘墮鼠即鳥空之誚也哉。

三、正報妙

經云：『彼佛何故號阿彌陀……成就如是功德莊嚴。』

1. 此經的示持名妙行，故特徵釋名號，欲人深信萬德洪名，不可思議。一心執持，無復疑二也。

2. 阿彌陀，正翻無量，本不可說。本師以光壽二義，收盡一切無量，光則橫徧十方，壽則豎窮三際，橫豎交徹，即法界體。舉此體作彌陀身土，亦即舉此體作彌陀名號。即眾生本覺理性，持名即始覺合本，始本不二，生佛不二。故一念相應一念佛，念念相應念念佛也。念佛人，不可不知此義也。

3. 心性寂而常照，故為光明。今徹證心性無量之體，故放無量光明。具有攝受加被之功，除障開智之德。

4. 心性照而常寂，故為壽命。今徹證心性無量之體，故壽命無量。是無佛前佛後難之功，具有將來歸依之德。

5. 阿僧祇、無量、無邊，皆算數名。華嚴根自在主章有一四四

數，若帶基數則有一五六位數，此是末十大數之名，顯示報身久長，有久度不息之功也。

6. 眾生生極樂，即生十方；見彌陀，即見十方諸佛。能自度，即能普利一切。

7. 經云：『成佛以來，於今十劫』，則現在說法，時正未央，普勸三世眾生，速求往生，同佛壽命，一生成辦也。無量無邊聲聞菩薩皆十劫所成，正顯往生不退，多且易也（無怨憎會苦）。今信願持名，念念亦必如是成就也。


佛說阿彌陀經要解研習報告

第四講

◎特勸眾生應求往生以發願

經文：『又舍利弗。極樂國土。眾生生者。皆是阿鞞跋致：
……諸上善人。俱會一處。』

一、進德勸願




超絕，全在此二科點示，須諦研之。

2. 不退有三

- (1) 位不退——入聖流，不墮凡地（小初果，別初住，圓初信）。
 - (2) 行不退——恆度生，不墮二乘（通菩薩，別十向，圓十信）。
 - (3) 念不退——心心流入薩婆若海（別初地，圓初住）。
3. 西方淨土，五逆十惡，十念成就，帶業往生，居下下品者，皆得三不退也。

(1) 此點示圓證勝異，即此經不思議之力用也。




(3) 十惡

身三	殺、盜、淫
口四	妄語、兩舌、惡口、綺語
意三	貪、瞋、痴

極重之罪，為地獄三途之因。

(4) 十六觀經下品往生章云：『五逆十惡，如此愚人，臨終遇善知識勸令念佛，如是至心，令聲不絕，具足十念……即得往生極樂世界。』雖居下下品，皆與補處菩薩俱，即是圓證三不退，一生成佛。

(5) 然據教道



(6)十方佛土，無此名相，無此階位，無此法門，非心性之極致，持名之奇勳，彌陀之大願，何以有此。

二、一生成佛

1. 一生補處，即是圓證三不退之別名。意謂只一生補佛位，如彌勒、觀音等。極樂人民普皆一生成佛，人人必實證補處故，其中多有此等上善，不可數知。

2. 經云：『彌陀涅槃，觀音即補佛位，號普光功德山王如來，國名眾寶普集莊嚴。其佛滅後，大勢至即補佛位，號善住功德寶王如來。』

3. 復次，釋迦一代時教，惟華嚴明一生圓滿，而一生圓滿之因，則末後普賢行願中，十大願王，導歸極樂。且以此勸進華藏海眾。思之！思之！

4. 蕩公嘆曰：嗟呼！凡夫例登補處，奇倡極談，不可測度。華嚴所稟，卻在此經（諸佛所說第一經，菩薩所修第一法門），而

天下古今，信虧疑多，辭繁義蝕，余唯有剖心瀝血而已（應當發願也）。

5. 行願品云：『是人欲臨命終時，一切諸根，悉皆敗壞，以致親屬威勢，象馬珍寶等，悉皆散滅。惟有願王，不相捨離，一切時中，引導其前，一剎那間即得往生極樂世界。』觀此則發願求生，自屬當務之急！！

6. 經云：『得與如是諸上善人俱會一處。』所謂觀音、勢至，把手共行，文殊、普賢，親為勝友。則薰陶有自，成佛無難，此生有幸，獲見獲聞，可不願生歟！！

三、頓超絕待

1. 下凡眾生，念不退中，超盡四十一因位（初住至等覺），謂是凡夫，卻不歷異生，必補佛位，與觀音勢至無別。若謂是一生補處，卻可名凡夫，不可名等覺菩薩。此皆教網所不能收，剎網所不能例。

2. 當知吾人大事因緣，同居一關，最難透脫。唯極樂同居，超出十方同居之外。了此方能深信彌陀願力。信佛力，方能深信名號功德。信持名，方能深信吾人心性，本不可思議也。

3. 具此深信，方能發於大願，經中應當二字，即指深信，深信發願，即無上菩提；合此信願，即為淨土指南。由此執持名號，乃為正行。


4. 若信願堅固，臨終十念一念，亦決得生，若無信願，縱將名號，持至風吹不入，雨打不濕，如銀牆鐵壁相似，亦無得生之理。修淨業者，不可不知也。大本阿彌陀經，亦以發菩提心為要，正與此同。

佛說阿彌陀經要解研習報告

第五講

◎正示行者執持名號以立行


經文：『舍利弗。不可以少善根……應當發願。生彼國土。』



1. 二乘但求自利，得少為足，不發菩提心，故善根少。人天雖修六度，但求人天福樂，未了無為，未得無漏，故福德少。皆不得生淨土。

二、惟以信願執持名號，則一一聲，悉具多善根福德。散心稱名，福善亦不可量，況一心不亂哉！

三、顯示正行
持名三要



此人當得無量之福。

四、善男女者，不論在家出家，貴賤老少，六趣四生，但聞佛名，即多劫善根成熟，五逆十惡皆名善也。

五、阿彌陀佛是萬德洪名，以名召德，聲無不盡。故即以執持名號為正行，不必更涉觀想參究等行，至簡易，至直捷也。

六、別明三慧

1. 具足三資方名聞慧。

2. 淨念相繼無有「決志求生，如子憶母，無時暫忘，但是事持。間斷故名思慧」心作心是，心境一如，能所不二，即是理持。

3. 尅期辦事，利根一日即不亂，中下不定。但能一心，皆得往生，名修慧。

七、一心不亂

一心圓具三學、三慧、三資糧。

我執亡，不為見思所亂為事一心
法執亡，不為二邊所亂為理一心

參圓瑛講義第222頁注


七日不亂後無更起惑造業之事。

1. 不論事持、理持，持至伏除煩惱，乃至見思先盡，皆事一心。持至心開見本性佛，皆理一心。

2. 事持：聞說念佛法門，可以橫超三界，帶業往生，深信不疑，一心繫念，句句分明，念念相續，行住坐臥，唯此一念，更無二念，即以一念而除眾念，由未達理，故曰事持。


3. 理持：聞說念佛法門，一念相應一念佛，念念相應念念佛，深信不疑。一心持念，都攝六根，淨念相繼，念極而空，能所雙忘，心佛一體，念而無念，無念而念，由達理故，是曰理持。

4. 一心不亂該括觀經三心



八、妙行勝果，不可思議。

1. 臨終除障



2. 事理二持——不為見思亂故，感化身佛現前，生同居方便淨土。一心不亂——不為二邊亂故，感報身佛來迎，生實報寂光二土。
3. 當知持名，簡易直捷，至頓至圓，以念念即佛故，不勞觀想，不必參究，當下圓明，無餘無欠。
4. 上上根不能踰其闔，下下根得臻其域，其所感佛所生土，往往勝進，亦不一概。可謂橫該八教，豎徹五時，所以徹底悲心，無問自說，且歎其難信也。
5. 我等今日猶不肯死心念佛，若欲執敲門瓦子，向屋裏打親生爺娘，則於諸祖成惡逆，非善順也。
6. 逆惡之人，臨終十念一念，下下品生，並是夙因成熟，故遇善友，聞便信願。此事萬中無一，豈可僥倖。淨土或問，斥此最詳，今人不可不讀也。
7. 當知此經，字字皆海印三昧，大圓鏡智之靈文也。唯念至一心不亂，則能超三界、伏煩惱、破無明也。

8. 所持名號，真實不可思議；能持心性，亦真實不可思議。持一聲則一聲不可思議，持十百千萬無數聲，聲聲不可思議也。

9. 伏願緇素智愚，於此簡易直捷，無上圓頓法門，勿視為難，而輒生退諉；勿視為易，而漫不策勤；勿視為淺，而妄致藐輕；勿視為深，而弗敢承任。

九、重勸發願

1. 經云：『我見是利』。是佛眼所見，究盡明了也。是利者，橫出五濁，圓淨四土，直至不退位，是為不可思議功德之利。

2. 又是利，約命終時心不顛倒而言，蓋穢土自力修行，生死關頭，最難得力。圓瑛法師，歸心淨土，自號三求堂主人，求福、求慧、求生淨土。

3. 無論頑修狂慧，到生死關頭，不能得力，全然無用。即悟門深遠，操履潛確之人，儻分毫習氣未除，未免隨強偏墜。

4. 永明所謂『十人九蹉路，陰境若現前，瞥爾隨他去』。此誠可

寒心也。

5. 修行唯有念佛最為穩當，自有信願持名淨業之力，又仗彌陀慈悲願力，所用之功，決定不虛，佛及聖眾，現前慰導，故得無顛倒，自在往生也！

6. 法門深妙，破盡一切戲論，斬盡一切意見。唯馬鳴、龍樹、智者、永明之流，徹底擔荷得去。其餘世智辯聰，通儒禪客，盡思度量，愈推愈遠；又不若愚夫愚婦老實念佛者，為能潛通佛智，暗合道妙也。

7. 我見是利，故說此言，分明以佛眼佛音，印定此事，豈敢違抗，不善順入也哉。

佛說阿彌陀經要解研習報告

第六講

◎諸佛勸信流通

經文：『舍利弗。如我今者。讚歎阿彌陀佛。不可思議功德之利……汝等皆當信受我語。及諸佛所說。』

一、此經以實相為體，是世尊徹底悲心，無問自說，誰堪任流通之責！？流者，流傳萬古；通者，通達十方。唯佛與佛，乃能究竟諸法實相，堪共流通。此經無上圓頓法門，唯詮佛之境界，故曰唯佛佛可與流通耳。

二、不可思議
略有五意


- ①橫超三界，不俟斷惑。
- ②即西方橫具四土，非由漸進。
- ③但持名號，不假禪觀諸方便。
- ④一七為期，不藉多劫、多生、多年月。
- ⑤持一佛名，即為諸佛護念，不異持一切佛名。

三、自他不可思議

行人信願持名，全攝佛功德成自功德。
下經云：『諸佛不可思議功德，我不可思議功

德。』則諸佛釋迦，皆以阿彌陀佛為
自也。

四、六方恆沙諸佛，讚經勸信，略舉名號所表修因證果之事，不可思議也。



2. 東方略舉五佛名，表法門修學根本。

(1) 阿閼鞞佛——（不動覺）不為八風所動，不為他法門所動。如華嚴善財五十三參，參參戀德禮辭，不為所動。成就自他功德莊嚴，是此法門修學之大本也。



(5) 妙音佛——表修學法本，即一心稱念南無阿彌陀佛，妙音也——（定慧等持）。

3. 南方略舉五佛名，表修慧。

(1) 日月燈佛——表性具圓滿般若智慧，圓融無礙，無不照，是所求也。

(2) 名聞光佛——表修慧小成，必有名聞。名聞如暗影，智光照即滅。喻必捨名聞利養，無妨道業增進也。

(3) 大燄肩佛——表初具二智，發心續佛慧命，弘法利生，自他二利也。

(4) 須彌燈佛——表修慧自轉識成智，復助他也。



(5) 無量精進佛——表修法根本，大乘善根唯一精進，成就大慧。

4. 西方略出七佛名，表修福。

(1) 無量壽佛——表福壽

(2) 無量相佛——表富貴

(3) 無量幢佛——表高顯

(4) 大光佛——表大智

(5) 大明佛——表智用

(6) 寶相佛——表尊勝

無福不能度生，成佛百劫修福。

(7) 淨光佛——表修福法本，必須三業清淨光明，成滿大福。

5. 北方略出五佛，表化他（福慧具足，以度生為事業）

(1) 燄肩佛——福慧具足後，即以權實二智，荷擔如來家業，利益

眾生。

(2) 最勝音佛——表以音聲作佛事，演說此經，勸教念佛，最勝音也。

(3) 難沮佛——表弘護正法，勇猛精進，不畏魔外一切障難也。

(4) 日生佛——表教學相長，自他慧日麗天，正法久住，福利人天。
(5) 網明佛——表度生弘願方法，以無量法門（如網目）救度眾生。
6. 下方略出六佛名，表教化大行，普度眾生。

(1) 師子佛——喻佛說法，表法王子代佛弘法，如佛無二。

(2) 名聞佛——名稱普聞於十方，表為天人眼目，如觀音、普賢、佛門祖師。

(3) 名光佛——表大智隨演，法音遠聞，能令眾生，破迷開悟，離苦得樂。

(4) 達摩佛——表大法師承自佛，堪為眾生軌範（即佛門之四依法也）。

四依法

- ① 依法不依人
- ② 依義不依語
- ③ 依了義不依不了義
- ④ 依智不依識

（窺基法師作通贊疏，為末世作示範也。）

(5) 法幢佛——表為眾生作擇法眼，建法幢，立宗旨，大行教化，福度眾生。

(6) 持法佛——表自他依教修行實證，佛法始終重實踐故。

7. 上方略出十佛名，表覺行圓滿，一生成佛。

(1) 梵音佛——表捨四相四見，說法清淨，無有染著。

(2) 宿王佛——表大乘菩薩道法，無上道之徑路也。

(3) 香上佛——表禪宗六祖傳香懺悔章所示行法，徑中徑也。

(4) 香光佛——表淨宗念佛法門，楞嚴謂香光莊嚴，徑中徑又徑也。

(5) 大燄肩佛——表以最上法與人，一生成佛，是以淨宗祖師，尊稱大師也。

(6) 雜色寶華嚴身佛——表一生圓滿，唯華嚴詳之，尤證實念佛法門為究竟旨歸也，應深思也，師法善財可矣。

(7) 娑羅樹王佛——表圓證究竟堅固，為大法王，密淨不二也。

(8) 寶華德佛——表圓滿報身。

(9) 見一切義佛——表千百億化身，五眼圓明，普應群機也。——圓證一體三身

(10) 如須彌山佛——表清淨法身，為一切法之理體也。

8. 以上略出佛名號，含意甚深，密示念佛人，自初發心至圓滿菩提，一生成辦之歷程旨要，如華嚴五十三參，不可不知也。

9. 佛度生，生受化，其間難易深淺，總在於緣。緣之所在，恩德弘深，種種教啟，能令歡喜信入，能令觸動宿種，能令魔障難遮，能令體性開發。諸佛本從法身垂迹，固結緣種，若世出世，悉不可思議也。

10. 彌陀是法界藏身，故一念一切念。念一佛，即念一切佛。極樂是法界藏土，故一生即一切生。生極樂一土，即生一切諸佛國土也。

五、信願持經之利

1. 勸信佛說

聞經受持 為諸佛之所護念
聞諸佛名 皆得不退大菩提
信 世尊說 諸佛說
無上心要——能念之心性，第一義諦，本源理體。

2. 此經獨顯

諸佛名字——即指所念 **阿彌陀佛**。
圓滿究竟萬德
智究竟，證般若德
斷究竟，證解脫德
心性究竟，證法身德
三德圓滿，
萬德畢具。


3. 大本云：若不往昔修福慧，於此正法不能聞，
已曾欽奉諸如來，故得因緣聞此義。

4. 占察經云：雜亂垢心，雖誦我名，而不為聞，以不能生決定信
解，但獲世間善報，不得廣大深妙利益。若到一行三昧，則成
廣大微妙行心，名得相似無生法忍，乃為聞十方佛名。

5. 一行三昧
 即是念佛三昧
 又名一相三昧
 專念阿彌陀佛
 即是一心不亂
 清淨廣大微妙心行
 念佛標準本來如是

6. 佛度眾生，不簡怨親，恆無疲倦。苟聞佛名，佛必護念，不論有心無心，信與不信，皆成緣種。佛慈不可思議，名號功德不可思議，的是難信之法。

7. 聞經受持，不僅諸佛護念，人人皆得圓證三不退，念念趣向佛果妙覺也。



8. 聞名功德，如此超勝，世尊及十方諸佛，同所宣說，可不信乎。

佛說阿彌陀經要解研習報告

第七講

◎勸願勸行流通

經文：『舍利弗。若有人已發願……聞佛所說。歡喜信受。作禮而去。』



2. 信願往生，正顯所發之願無虛也。

3. 本經三勸發願

- ① 眾生聞者，應當發願，願生彼國。
- ② 若有眾生，聞是說者，應當發願，生彼國土。
- ③ 若有信者，應當發願，生彼國土。

釋迦悲心特切，不憚重煩，再三勸諭，若不發願求生淨土，則辜負佛恩甚矣。

4. 願依四弘

- 眾生無邊誓願度
- 煩惱無盡誓願斷
- 法門無量誓願學
- 佛道無上誓願成

欣求極樂 厭離娑婆

故得不退轉於大菩提。

5. 一念相應一念生，念念相應念念生。妙因妙果不離一心，何俟娑婆報盡，只今信願持名，蓮萼光榮，金臺影現，便非娑婆界內人也。極圓極頓，難思難議，唯有大智，方能諦信。

6. 諸佛共讚釋迦，濁世證果度生，能為甚難希有

娑婆世界

得證無上正等正覺

五濁惡世

為眾說此難信之法——為濁世眾生說

漸法易，頓法難。

餘頓法猶易，淨土橫超，頓法尤難。

淨土橫超，頓修頓證，妙觀已自不易。說此無藉劬勞修證，但持名號，往生不退，第一方便，更為難中之難也。

7. 依持名法門釋五濁惡世

(1) 劫濁——非帶業橫出之行，必不能度。

(2) 見濁——五利使增盛，非不假方便之行，必不能度。

五利使
(見惑)


- ①身 見——不悟四大假合，虛幻無常。
- ②邊 見——不悟見解既偏，失乎中道。
- ③見取見——非果計果，不悟有漏界中，終非究竟。
- ④戒取見——非因計因，不悟蒸沙作飯，塵劫難成。
- ⑤邪 見——撥無因果，貽誤眾生，墮入深坑。

(3)煩惱濁——五鈍使增盛，非即凡心是佛之行（無取無捨），必不能度。

五鈍使
(思惑)

- ①貪——不能看破，不了一切有為法如夢幻泡影。
- ②瞋——不能忍辱，不了一念瞋心起，火燒功德林。
- ③痴——不能明覺，不了諸行無常，畢竟空寂。
- ④慢——不能謙下，不了眾生，佛性平等。
- ⑤疑——不能決斷，不了是善則可親，是道則可進。

(4)眾生濁——見思所惑、粗弊五陰和合、假名眾生，非欣厭之行，必不能度。



(5) 命濁——因果並劣，壽命短促，非不費時劫，不勞勤苦之行，必不能度。



8. 故一聲阿彌陀佛，即釋迦本師於五濁惡世，所得之阿耨多羅三藐三菩提法。今以此果覺全體，授與濁世眾生，乃諸佛所行境界，唯佛與佛能究盡，非九界自力所能信解也。

9. 信願持名一行，不涉施為，圓轉五濁。唯信乃入，非思議所行境界。設非本師，來入惡世，示得菩提，以大智、大悲，見此、行此、說此，眾生何由稟此也哉。

10. 若不深知其甚難，將謂更有別法，可出五濁。火宅之中，戲論

紛然，唯深知其甚難，方肯死盡偷心，實此一行。此本師所以極口說其甚難，而深囑我等當知也。

五濁難超

- ①劫濁——決定為時所囿，為苦所逼。
- ②見濁——決定為邪智所纏，邪師所惑。
- ③煩惱濁——決定為貪欲所陷，惡業所螫。
- ④眾生濁——決定安於穢劣，不能洞覺奮飛。
- ⑤命濁——決定為無常所吞，石火電光，措手不及。

11. 法眾得益結勸

聞佛所說

- 歡喜——身心怡悅，心開意解。
- 信受——毫無疑惑，領納不忘。
- 作禮——感大恩德，投身歸命。
- 而去——依教修持，一往不退。

12. 報告已竟，昔圓瑛法師普勸大眾曰：

從今日起

世間名利，拋去撇去
一切惑業，休去歇去
一聲阿彌陀佛死心念去修去
求生極樂五清淨土去
疾趣阿耨多羅三藐三菩提去

切莫走向其他路去。

南無阿彌陀佛

回向偈

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

彌陀要解研習報告

敬印者——香光淨宗學會

電話：(〇二)八五一—〇九五五

傳真：(〇二)八五一—〇九五三

地址：新北市三重區中興北街179號1樓

網址：www.hsiangkuan.org

E-mail:hsiangkuan@hsiangkuan.org

淨空法師
影音網址

——淨空法師專集網站

<http://www.amtb.org.tw>

淨空法師專集簡體網站

<http://www.amtb.cn>

淨空法師英文網站

<http://www.chinkung.org>

排版承印——和裕出版社 (〇六)二四五四〇二三

中華民國一〇七年
佛曆三〇四五年

三月恭印壹仟本結緣

版權開放，歡迎翻印，上傳網路，功德無量，免費結緣，敬請愛護珍惜
註：本會已陸續將所印製之法寶，轉成電子檔，請自行至本會網站下載

真誠 清淨 平等 正覺 慈悲



看破 放下 自在 隨緣 念佛

本會法寶·免費結緣·絕無託人募款義賣·敬請明察·愛護珍惜

Printed in Taiwan(This book is not to be sold.)
FOR FREE DISTRIBUTION